

09.03 MARELLA

Axel Sven Springer: In rapinament tranter famas e vardad

Il gimnasiast Axel Sven Springer svanescha ina notg or da sia stanza da l'internat al Lyceum Alpinum Zuoz. Tge è capità cun il biadi dal mogul da medias tudestg Axel Springer? Quai na lessan betg mo savair sia famiglia, mabain er la polizia e las medias internaziunalas. En questa istorgia, ch'è capitada il 1985, vai per vita e mort. In descendent prominent



vegn rapinà – il pretsch da liberaziun è 15'000'000 DM. Ma en las medias vegn mess en dumonda, sch'i sa tracta propi d'in crim ubain tuttina be d'in pluffer skerz. I va per il gust da l'aventura, per grondaschia, per aviditad da daners e naivitat cun ina gronda purziun energia criminala. Fabia Caduff ed Anna Serarda Campell han retschertgà davart il cas. *Auturas: Fabia Caduff ed Anna Serarda Campell*